

大智度論

第三十三

二百十一  
名三

48869



Handwritten marks or characters at the bottom center.

大智度論卷第三十三

龍樹菩薩造

姚秦三藏法師鳩摩羅什譯

名

釋初品中到彼岸第四十一

復次舍利弗菩薩摩訶薩欲到有為無為法  
彼岸當學般若波羅蜜彼岸者於有為無為  
法盡到其邊云何是彼岸以大智慧悉知悉

盡有為法揔相別相種種悉解無為法中從  
須陀洹至佛悉皆了知有為無為法相義如  
先說欲知過去未來現在諸法如諸法法相  
不生際當學般若波羅蜜問曰上已說如今  
何以更說答曰上直言諸法如今言三世皆  
如上略說此廣說上說一此說三法相即是



法性無生際即是實際過去法如即是過去  
法相未來現在亦如是復次過去法如即是  
未來現在法如現在法如即是過去未來法  
如未來法如即是過去現在法如所以者何  
如相非一非異故復次如先說二種如一者  
世間如二者出世間如用是世間如三世俗  
各異用是出世間如三世為一復次法相如  
諸法業諸法所作力因緣果報如火為熱相  
水為濕相如是諸法中分別因緣果報各各  
別相如是處非處力中說是名世間法相若  
是諸法相推求尋究入無生法中更無過是  
者是名無生際問曰如法相可分別有三世

無生際是未來法云何有過去現在如阿毗  
曇說生法者過去現在是無生法者未來及  
無爲法是云何欲令過去現在有無生答曰  
如先種種說破生法一切法皆無生何但未  
來無生如一時義中已破三世三世一相所  
謂無相如是則無生相復次無生名爲涅槃  
以涅槃不生不滅故涅槃者末後究竟不復  
更生而一切法即是涅槃以是故佛說一切  
法皆是無生際

欲在一切聲聞辟支佛前欲給侍諸佛欲爲  
諸佛內眷屬欲得大眷屬欲得菩薩眷屬欲  
淨報大施當學般若波羅蜜問曰若菩薩未

得漏盡云何在漏盡聖人前荅曰菩薩初發  
意時已在一切衆生前何況積劫修行是菩  
薩功德智慧大故世世常大能利益聲聞辟  
支佛衆生知菩薩恩故推崇敬重乃至畜生  
中亦為尊重如菩薩昔作鹿其色如金其角  
七寶五百鹿隨逐崇事若在人中好世作轉  
輪聖王惡世恒作大王護持佛法利益衆生  
若出家值有佛法則為世作大度師與顯佛  
法若無佛法則為外道大師行四無量羅漢  
辟支佛雖有無漏利益事少譬如一升酥雖  
精不如大海水酪菩薩雖有漏智慧及其成  
熟利益無量復次羅漢辟支佛四事供養助

道之具多由菩薩得如首楞嚴經說文殊師利七十二億作辟支佛化辟支佛人令其成道以是故在聲聞辟支佛前欲為諸佛給使者如釋迦文佛未出家時車匿給使優陀耶戲笑瞿毗耶耶輸陀等諸姝女為內眷屬出家六年苦行時五人給侍得道時彌喜羅陀須那利多羅阿難蜜跡力士等是名內眷屬大眷屬者舍利弗目捷連摩訶迦葉須菩提迦旃延富樓那阿泥盧豆等諸聖人及弥勒文殊師利颯陀婆羅諸阿毗跋致一生補處菩薩等是名大眷屬復次佛有二種身一者法性生身二者隨世間身世間身眷屬如先

說法性生身者有無量無數阿僧祇一生補  
處菩薩侍從所以者何如不可思議解脫經  
說佛欲生時八萬四千一生補處菩薩在前  
導菩薩從後而生譬如陰雲籠月又如法華  
經說從地踊出菩薩等皆是內眷屬大眷屬  
菩薩眷屬者有佛純以菩薩為眷屬有佛純  
以聲聞為眷屬有佛菩薩聲聞雜為眷屬是  
故言但欲得菩薩為眷屬者當學般若波羅  
蜜眷屬有三上中下下者純聲聞中者雜上  
者但菩薩淨報大施者有人言菩薩多集福  
德未除煩惱受人信施未能淨報佛言菩薩  
行般若波羅蜜諸法皆空不可得何況諸結



使菩薩入法性中故不證實際是故能淨報  
施福復次菩薩功德廣大從發心已來欲代  
一一衆生受一切苦欲以一切功德與一切  
衆生然後當自求佛道但是事不可得故而  
自成佛度一切衆生又菩薩志願不以阿僧  
祇爲拘如世間如及法性實際虛空等久住  
菩薩心住世間利益衆生故亦如是久住無  
有窮已是人不能淨報施福者誰能淨畢如  
父母雖有結使諸惡以一世利益子故受其  
供養今得大福何況菩薩無諸結使而住無  
邊世中利益衆生而不淨畢又復菩薩但有  
悲心而無般若尚能利益何況行般若波羅

蜜問曰若菩薩無結使云何世間受生答曰  
先已答菩薩得無生法忍得法性生身處處  
變化以度衆生莊嚴世界是功德因緣故雖  
未得佛能淨報施福

欲不起慳心破戒心瞋恚心懈怠心亂心癡  
心當學般若波羅蜜論是六種心惡故能障  
蔽六波羅蜜門如菩薩行布施時若有慳心  
起令施不清淨所謂不能以好物施若與好  
物不能多與若與外物則不能內施若能內  
施不能盡與皆由慳心故菩薩行般若波羅  
蜜知一切法無我無我所諸法皆空如夢如  
幻以身頭目骨髓布施如施草木是菩薩雖

未得道欲常不起是慳心當學般若波羅蜜諸餘人離欲得道故不生破戒心菩薩行般若波羅蜜故不見破戒事所以者何戒為一切諸善功德住處譬如地為一切萬物所依止處破戒尚不得餘道何況阿耨多羅三藐三菩提以是故不生破戒心復作是念菩薩法者安樂衆生若破戒者惱亂一切以是故菩薩不生破戒心何況破戒小乘及諸凡夫尚不應生瞋恚心何況菩薩發阿耨多羅三藐三菩提意身為苦器法自受惱譬如犯罪之人自致刑戮自作自受不應怨人但當自護其心不令起惡譬如人遭風雨寒熱亦無

所瞋復作是念菩薩求佛以大悲爲本若能  
瞋恚則喪志願瞋恚之人尚不得世間樂何  
況道樂瞋恚之人自不得樂何能以樂與人  
懈怠之人世間勝事尚不能成何況阿耨多  
羅三藐三菩提譬如鑽火數息無得火期散  
亂之心譬如風中燈燈雖有光明不能照物  
亂心中智慧亦復如是智慧是一切善法根本  
若欲成就是智先當攝心然後可成譬如狂  
醉之人自利他利好醜之事都不覺知散亂  
之心亦如是世間好事尚不能善知何況出  
世間法愚癡人心一切成敗事皆不能及何  
況微妙深義譬如無目之人或墜溝坑或入

非道無智之人亦復如是無智慧眼故受著  
邪法不受正見如是之人世間近事尚不能  
成何況阿耨多羅三藐三菩提菩薩行般若  
波羅蜜力故能障是六蔽淨六波羅蜜以是  
故說若欲不起六蔽當學般若波羅蜜

復次舍利弗菩薩摩訶薩欲使一切衆生立  
於布施福處持戒福處修定福處勸導福處  
欲令衆生立於財福法福處當學般若波羅  
蜜問曰云何名爲福處答曰阿毗曇言福名  
善有漏身口意業復有人言不隱沒無記是  
所以者何善有漏業因緣果報故得是不隱  
沒無記福是果報亦名爲福如世間人說能

成大事多所成辦是名福德人是福略說三種布施持戒修定何等是布施有人以衣服卧具飲食華香瓔珞等與人是名布施問曰飲食等物便是布施為更有布施答曰飲食等物非布施以飲食等物與時心中生法名捨與慳心相違是名布施福德是或有漏或無漏常是善心數法心相應隨心行共心生無色無形能作緣業相應隨業行業共生非先業果報得修行修慧證身證凡夫人得亦聖人得有人言是捨法相應思是名布施福德所以者何業能生果報故思即是業身口不名為業從思生故得名業此布施有二種

一者淨二者不淨不淨者直施而已或畏失財故與或惡訶罵故與或無用故與或親愛故與或為求勢故與以施故多致勢援或死急故與或求善譽故與或求與貴勝齊名故與或妬嫉故與或憍慢故與小人愚賤尚施我為貴重大人云何不與或為呪願福德故與或求吉除凶故與或求入伴黨故與或不一心不恭敬輕賤受者而與如是種種因緣為今世事故施與淨相違名為不淨淨施者如經中說治心故施莊嚴意故施為得第一利故施生清淨心能分別為助涅槃故施譬如新華未萎色好且香淨心布施亦復如是

如說諸天不淨心布施者宮殿光明薄少若  
淨心布施者宮殿光明增廣此布施業雖過  
去乃至千萬世中不失譬如券要問曰此布  
施福云何增長荅曰應時施故得增長如經  
說飢餓時施得福增多或遠行來時若曠路  
險道中施若常施不斷或時常念施故施得  
增廣如六念中念捨說若大施故得福多若  
施好人若施佛若施者受者清淨故若決定  
心施若自以力致財施若隨所有多少能盡  
施若交以物施若以園田使人等施如是布  
施唯有菩薩能以深心行之如韋羅摩菩薩  
十二年布施已嚴飾乳牛七寶鉢及娑女各



有八萬四千及諸餘物飲食之屬不可稱數  
又如須帝矚拏菩薩下善勝白象施與怨家  
入在深山以所愛二子施十二醜婆羅門復  
以妻及眼施化婆羅門尔時地為大動天為  
雷震空中雨華又如薩婆達多王自縛其身  
施婆羅門如尸毗王為一鴿故自持其身以  
代鴿肉又如菩薩曾為兔身自炙其肉施與  
仙人如是等菩薩本生經中所說復有聲聞  
人布施如須弥陀比丘尼與二同學為迦那  
伽牟尼佛作精舍於無數千萬世受轉輪聖  
王及天王福如施婆羅門持一瓶酪施僧世  
世受樂今得阿羅漢諸受樂中受樂第一如

末利夫人供養須菩提故得今世果報爲波斯  
斯尼示王后如尸婆供養迦旃延故得今世  
報爲旃陀波周陀王后如鬱伽陀居士供養舍  
利弗等五百阿羅漢故即日得報五百賈客  
得其餘食人人以珠璣與之卒得大富遂号爲  
卒鬱伽陀如是等布施得今世報當知布施  
論議說不可盡持戒福處者佛說五戒福者  
是問曰云何殺罪相答曰知是衆生故奪命  
得殺罪非不故安隱快心得殺罪非散亂狂  
心奪命得殺罪非作瘡死已得殺罪非未死  
身業是殺罪非口教身作是殺罪非但心生  
如是等罪止不作是初戒善相或有人言謂

是不隱沒無記或欲界繫或不繫是非心非  
心數法非心相應非隨心行或共心生或不  
共心生非業相應非隨業行或共業生或不  
共業生非先業果報得修行修身證慧證或  
思惟斷或不斷離欲界欲時得斷知凡夫聖  
人共有是名說不殺生戒相餘戒亦如是隨  
義分別諸戒讚歎論議如尸羅波羅蜜中說  
修定福處者雖經中說修慈是修定福亦說  
有漏禪定能生果報者揔名修定福以欲界  
多瞋多亂故先說慈心爲修定福得慈方便  
願與衆生樂後實見受樂是心相應法名爲  
慈法是法或色界繫或不繫是爲真慈是方

便慈欲界繫常隨心行隨心生無形無對能  
緣法非業業相應而隨業行共業生非先業  
果報得修行修身證慧證或思惟斷或不斷  
離色界欲時得斷知有覺有觀亦無覺有觀  
亦無覺無觀或有喜或無喜或有息或無息  
亦凡夫人亦聖人或樂受相應或不苦不樂  
受相應先緣得解相後緣實義根本四禪中  
亦過四禪依止四禪得者牢固有力慈應言  
親愛無怨無諍故名爲親愛能緣無量衆生  
故名爲無量能利益衆生能離欲故名爲梵  
行慈心餘論議如四無量中說問曰修定福  
中佛何以但說慈心不說餘答曰四無量中

慈心能生大福德悲心憂愁故捨福德喜心  
自念功德故福德不深捨心放捨故福亦少  
復次佛說慈心有五利不說餘何等五一者  
刀不傷二者毒不害三者火不燒四者水不  
沒五者於一切瞋怒惡害衆生中見皆喜懼  
悲心等事不忤以是故說修定福為慈餘者  
隨從及諸能生果報有漏定勸導福處者若  
比丘不能坐禪不能誦經教化勸導修立福  
德或有比丘能坐禪誦經見諸比丘衣食乏  
少力能引致亦行勸導及諸菩薩憐愍衆生  
故以福德因緣勸化之又出家人若自求財  
於戒有失是故勸導以為因緣財福者衣服

飲食卧具醫藥金銀車馬田宅等問曰上言  
布施福處此言財福有何等異荅曰布施者  
摠攝一切施財施法施俗施道施今欲分別  
法施財施法施者如佛以大慈故初轉法輪  
無量衆生得道後舍利弗逐佛轉法輪餘諸  
聖人雖非轉法輪亦爲衆生說法得道亦名  
法施復有遍吉菩薩觀世音得大勢文殊師  
利弥勒菩薩等以二種神通力果報神通修  
得神通住是中以福德方便力光明神足等  
種種因緣開度衆生亦名法施諸辟支佛飛  
騰虛空而說一偈引導衆生令植善根亦名  
法施又佛弟子未得聖道者坐禪誦經不壞

諸法相教化弟子皆名法施如是等種種名爲  
法施相以是故說菩薩欲立衆生於六種福者  
當學般若波羅蜜

復次舍利弗菩薩摩訶薩欲得五眼當學般  
若波羅蜜論何等五肉眼天眼慧眼法眼佛  
眼肉眼見近不見遠見前不見後見外不見  
內見晝不見夜見上不見下以此礙故求天  
眼得是天眼遠近皆見前後內外晝夜上下  
悉皆無礙是天眼見和合因緣生假名之物  
不見實相所謂空無相無作無生無滅如前  
中後亦亦爲實相故求慧眼得慧眼不見衆  
生盡滅一異相捨離諸著不受一切法智慧

自內滅是名慧眼但慧眼不能度衆生所以  
者何無所分別故以是故生法眼法眼今是  
人行是法得是道知一切衆生各各方便門  
今得道證法眼不能遍知度衆生方便道以  
是故求佛眼佛眼無事不知覆障雖密無不  
見知於餘人極遠於佛至近於餘幽闇於佛  
顯明於餘爲疑於佛決定於餘微細於佛爲  
塵於餘甚深於佛甚淺是佛眼無事不聞無  
事不見無事不知無事爲難無所思惟一切  
法中佛眼常照後品五眼義中當廣說菩薩  
摩訶薩欲以天眼見十方如恒河沙等世界  
中諸佛欲以天耳聞十方諸佛所說法欲知



諸佛心當學般若波羅蜜論天眼法所見不  
過三千大千世界今以般若波羅蜜力故見  
十方恒河沙等國中諸佛所以者何般若波  
羅蜜中無近無遠無所罣礙故問曰如般舟  
經說以般舟三昧力故雖未得天眼而能見  
十方現在諸佛此菩薩以天眼故見十方諸

佛有何等異荅曰此天眼不隱沒無記般舟  
三昧離欲人未離欲人俱得天眼但是離欲  
人得般舟三昧憶想分別常修常習故見天  
眼修神通得色界四大造色眼四邊得遍明  
相是為差別天眼功易譬如日出見色不難  
三昧功難如夜燈然見色不易天耳亦如是

知諸佛心者問曰如上地鈍根不能知下地  
利根心菩薩一佛心尚不應知何況恒河沙  
等十方諸佛心答曰以佛神力故令菩薩知  
如經說一切衆生無知佛心者若佛以神力  
令知乃至蛄蟲亦能知以是故佛以神力故  
令菩薩知佛心復次般若波羅蜜無礙相麁  
細深淺愚聖都無差別諸佛心如菩薩心則如  
一如無異菩薩隨是如故能知諸佛心復次  
希有難事不應知而知以是故言欲得是者  
當學般若波羅蜜欲聞十方諸佛所說法聞  
已乃至阿耨多羅三藐三菩提不忘當學般  
若波羅蜜問曰一佛所說猶尚難持何況無

量諸佛所說欲憶而不忘。若白菩薩以聞持陀羅尼力故能受堅憶念陀羅尼力故不忘。復次此中說以般若波羅蜜力畢竟清淨無所著譬如大海含受衆流菩薩從十方諸佛所聞法以般若波羅蜜器大故能受無量法持而不忘。復次是般若波羅蜜不可譬喻如虛空如劫燒盡已大雨彌滿是雨除虛空更無處能受十方諸佛說法雨從佛口出除行般若波羅蜜菩薩更無能受者以是言欲聞十方諸佛說法當學般若波羅蜜。

大智度論釋初品中見一切佛世界義第四十二之一。復次舍利弗菩薩摩訶薩欲見過去未來諸佛世

界及見現在十方諸佛世界當學般若波羅  
蜜問曰若見十方佛則已見世界今何以復  
說欲見世界荅曰菩薩未深入禪定若見十  
方世界山河草木心則散亂故但觀諸佛如  
念佛義中說行者但觀諸佛不觀土地山河  
樹木得禪定力已隨意廣觀復次清淨佛國  
難見故言欲見諸佛國當學般若波羅蜜又  
一佛有無量百千種世界如先說有嚴淨有  
不嚴淨有雜有畢竟清淨世界難見故以般  
若波羅蜜力乃能得見譬如天子聽正殿則  
外人可見內殿深宮無能見者問曰十方現  
在世界可見過去未來諸佛世界云何得見

答曰菩薩有見過去未來三昧入是三昧已見過去未來事如夢中所見復次菩薩有不滅除三昧入是三昧已不見諸佛有滅者問曰此二法非眼云何能見答曰此是智慧假名為眼如轉法輪中於四諦得眼智明覺復次菩薩見十方現在佛世界定知過去未來諸佛世界亦尔所以者何一切諸佛功德同故是事如先說復次是般若波羅蜜中如現在過去未來等無異一如一法性故以是故不應難復次舍利弗菩薩摩訶薩欲聞十方諸佛所說十二部經修多羅祇夜受記經伽陀優陀那因緣經阿波陀那如是語經本生經廣經

未曾有經論議經諸聲聞等聞與不聞盡欲  
誦受持當學般若波羅蜜論先說盡欲聞十  
方諸佛所說法者當學般若波羅蜜所說法  
者即此十二部經諸經中直說者名修多羅  
所謂四阿含諸摩訶衍經及二百五十戒經  
出三藏外亦有諸經皆名修多羅諸經中偈

名祇夜衆生九道中受記所謂三乘道六趣  
道此人經介所阿僧祇劫當作佛若記介所  
歲當作佛記聲聞人今世後世得道記辟支  
佛人但後世得道記餘六道亦皆後世受報  
諸佛法欲與衆生受記先皆微笑無量種光  
從四牙中出所謂青黃赤白縹紫等從上二

牙出者光照三惡道從其光明演無量法說一切作法無常一切法無我安隱涅槃衆生得遇斯光聞說法者身心安樂得生人中天上從是因緣皆得畢苦從下二牙出者上照人天乃至有頂禪若聾盲瘖瘂狂病皆得除愈六欲天人及阿修羅受五欲樂遇佛光明聞說法聲皆厭患欲樂身心安隱色界諸天受禪定樂時遇佛光明聞說法聲亦生厭患來詣佛所此諸光明復至十方遍照六道作佛事已還遶身七匝若記地獄光從足下入若記畜生光從蹄入若記餓鬼光從脰入若記人道光從齋入若記天道光從膺入若記

聲聞光從口入若記辟支佛光從眉間相入  
若記得佛光從頂入若欲受記先現此相然  
後阿難等諸弟子發問一切偈名祇夜六句  
三句五句句多少不定亦名祇夜亦名伽陀  
優陀那者名有法佛必應說而無有問者佛  
略開問端如佛在舍婆提毗舍佉堂上陰地  
經行自說優陀那所謂無我無我所是事善  
哉尔時一比丘合掌白佛言世尊云何無我  
無我所是事善哉佛告比丘凡夫人未得無  
漏道顛倒覆心故於無我無我所心大驚怖  
若佛及佛弟子聞好法者歡喜奉行無顛倒  
故不復更作如是等雜阿含中廣說又如般



若波羅蜜品中諸天子讚頌菩提所說善哉  
善哉希有世尊難有世尊是名優陀那又如  
佛涅槃後諸弟子抄集要偈諸無常偈等作  
無常品乃至婆羅門偈等作婆羅門品亦名  
優陀那諸有集衆妙事皆名優陀那如是等  
名優陀那經相居陀那者說諸佛法本起因  
緣佛何因緣說此事修多羅中有人問故爲  
說是事毗尼中有人犯是事故結是戒一切  
佛語緣起事皆名居陀那阿波陀那者與世  
間相似柔軟淺語如中阿含中長阿波陀那  
經長阿含中大阿波陀那毗尼中億耳阿波  
陀那二十億阿波陀那解二百五十戒經中

欲阿波陀那一部菩薩阿波陀那出一部如  
是等無量阿波陀那如是語經者有二種一  
者經句言我先許說者今已說竟二者三藏  
摩訶衍外更有經名一目多迦有人言目多  
迦目多迦名出三藏及摩訶衍何等是如佛  
說淨飯王強令出家作佛弟子者佛選擇五  
百人堪任得道者將至舍婆提所以者何以  
其未離欲若近親里恐其破戒故將至舍婆  
提令舍利弗目連等教化之初夜後夜專精  
不睡勤修精進故得道得道已佛還將至本  
生國一切諸佛法還本國時與大會諸天衆  
俱任迦毗羅婆仙人林中此林去迦毗羅婆

城五十里是諸釋遊戲園此諸釋子比丘處  
舍婆提時初夜後夜專精不睡故以夜為長  
從林中來入城乞食覺道里長遠亦時佛知  
其心有一師子來禮佛足在一面住佛以是  
三因緣故說偈

不寐夜長疲倦道長 愚生死長莫知正法

佛告比丘汝未出家時其心放逸多睡眠故  
不覺夜長今初夜後夜專求道減省睡眠故  
覺夜大長此迦毗羅婆林汝本駕乘遊戲不  
覺為遠今著衣持鉢步行疲極故覺道長是  
師子鞞婆尸佛時作婆羅門師見佛說法來  
至佛所亦時大眾以聽法故無共語者即生

惡念發惡罵言此諸禿輩與畜生何異不別  
好人不知言語以是惡口業故從鞞婆尸佛  
乃至今日九十一劫常墮畜生中此人亦時  
即應得道以愚癡故自作生死長久今於佛  
所心清淨故當得解脫如是等經名為出因  
緣於何處出於三藏摩訶衍中出故名爲出  
何名因緣是三事之本名為因緣本生經者  
昔者菩薩曾爲師子在林中住與一獼猴共  
爲親友獼猴以二子寄於師子時有鷲鳥飢  
行求食值師子睡故取獼子而去住於樹上  
師子覺已求獼子不得見鷲持在樹上而告  
鷲言我受獼猴寄託二子護之不謹令汝得

去孤負言信請從汝索我爲獸中之王。汝爲  
鳥中之主。貴勢同等宜以相還。鷲言汝不知  
時。吾今飢乏何論。同異師子知其正。得自以  
利爪。齧其脅肉。以質猴子。又過去世時。人民  
多病。黃白痿熟。菩薩卽時身爲赤魚。自以其  
肉施諸病人。以救其疾。又昔菩薩作一鳥身。  
在林中。任見有一人入於深水。非人行處。爲  
水神所銜。水神銜法者不可解。鳥知解法。至  
香山中。取一藥草。著其銜上。繩卽爛。壞人得  
脫去。如是等無量。本生多有。所濟是名本生。  
經。廣經者名摩訶衍。所謂般若波羅蜜經。六  
波羅蜜經。華手經。法華經。佛本起因經。經雲。

經法雲經大雲經如是等無量阿僧祇諸經  
爲得阿耨多羅三藐三菩提故說鞞佛略上  
反秦言未曾有經如佛現種種神力衆生惟  
未曾有所謂佛生時身放大光明照三千大  
千世界及幽闇之處復照十方無量諸佛三  
千大千世界是時於佛母前有清淨好池以  
浴菩薩梵王執蓋帝釋洗身二龍吐水又生  
時不須扶持而行七步足跡之處皆有蓮華  
而發是言我是度一切衆生老病死者地大  
震動天雨衆華樹出音聲作天鼓樂如是等  
無量希有事是名未曾有經論議經者答諸  
問者釋其所以又復廣說諸義如佛說四諦

何等是四所謂四聖諦何等是四所謂苦集  
滅道聖諦是名論議何等爲苦聖諦所謂生  
苦等八種苦何等是生苦所謂諸衆生各各  
生處是中受苦如是等問荅廣解其義是名  
優波提舍如摩訶衍中佛說六波羅蜜何等  
六所謂檀波羅蜜乃至般若波羅蜜何等是  
檀波羅蜜檀波羅蜜有二種一者具足二者  
不具足何等是具足與般若波羅蜜和合乃  
至十住菩薩所得是名具足不具足者初發  
菩薩心未得無生忍法未與般若波羅蜜和  
合是名不具足乃至禪波羅蜜亦是般若  
波羅蜜具足者有大方便力未具足者無方便

力復次佛所說論議經及摩訶迦旃延所解  
修多羅乃至像法凡夫人如法說者亦名優  
波提舍聲聞所不聞者佛獨與菩薩說法無  
諸聲聞聽者又佛以神通力變身無數遍至  
十方一乘世界說法又復佛爲欲天色天說  
法無諸弟子故不得聞問曰諸六通阿羅漢  
若佛說時雖不在坐以天耳天眼可得見聞  
若以宿命通并知過去事何以不聞答曰諸  
聲聞神通力所不及處是故不聞復次佛爲  
諸大菩薩說不可思議解脫經舍利弗目連  
在佛左右而不得聞以不種是聞大乘行法  
因緣故譬如坐禪人入一切處定中能使一



切皆水皆火而餘人不見如不可思議解脫  
經中廣說盡欲受持者聞而奉行為受久久  
不失為持

大智度論卷第三十三

名

楞嚴

上郎登反

車匿

下力反

風

蒲末反

拘

俱音

蔽

必祭反

刑

戮

下音

鑽火

官上

子

炤

照字

溝坑

上古

蒺

烏為

藜

為藜

藜

藜

藜

要

上券

願

反音

邀

隸

郎帝反

菟

正作

賈客

古音

賈客

音

賈客

音

賈客

賈客

奪

徒活

反音

蛄

蛄

蛄

蛄

蛄

蛄

蛄

蛄

蛄

蛄

蛄

蛄

蛄

蛄

作

胫

蒲米

佉

丘迦反

築

竹音

疲倦

皮上

鞞

音

鞞

音

鞞

音

鞞

鞞

他

谷

鷲

音

覺

巴

上古

叵

正我

爪

爪

爪

爪

爪

爪

爪

爪

脅

上合

虛

紫

反

賀

莫候

痿

烏為

所

銜

正下

作

音

作

音

作

俱犬  
反佛  
略  
夜下  
二力  
反遮  
力



Handwritten text at the bottom of the page, including the characters '五' and '十'.

